



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2006. GODINU
HRVATSKE KRŠĆANSKE DEMOKRATSKE UNIJE BIH

Broj: 09-07-6- 1205/07
Sarajevo, 03.04. 2008.godine

SADRŽAJ :

MIŠLJENJE REVIZORA	3
1.UVOD	4
2.PREDSTAVLJANJE POLITIČKE STRANKE	4
3.OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije	5
Obim kancelarijske revizije	5
4.PREDHODNE REVIZIJE	5
5.NALAZI KANCELARIJSKE REVIZIJE I PREPORUKE	5
5,1.NALAZI	5
5.2.PREPORUKE	6
KOMENTAR	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Hrvatske kršćanske demokratske unije i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene revizije godišnjeg finansijskog izvještaja utvrđeno je da je Hrvatska kršćanska demokratska unija prekršila odredbe člana 11. stav 3. Zakona o finansiranju političkih stranaka.**

Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Hrvatske kršćanske demokratske unije i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska kršćanska demokratska unija je iskazala prihode u iznosu od 117.055,38 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	117.055,38	100,00%
	Ukupni prihodi:	117.055,38	100,00%

U godišnjem finansijskom izvještaju Hrvatska kršćanska demokratska unija je iskazala ukupne rashode u iznosu 106.233,05 KM.

2. PREDSTAVLJANJE POLITIČKE STRANKE

Naziv političke stranke: Hrvatska kršćanska demokratska unija. Skraćeni naziv je HKDU BiH.

Hrvatska kršćanska demokratska unija je registrovana 02.02.2006. godine kod Županijskog suda u Mostaru pod brojem R 107/05.

Sjedište političke stranke je u , Mostaru, ulica N.Šubića Zrinjskog broj 11.

Za zastupanje stranke ovlašteni su Ivan Musa, predsjednik. Osoba ovlaštena za podnošenje finansijskih izvještaja za 2006. godinu je Ivan Musa.

Organizacionu strukturu Hrvatske kršćanske demokratske unije čine:

- Središnji uredi i jedanaest (11) opštinskih odbora.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj političke stranke Hrvatske kršćanske demokratske unije za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je Hrvatska kršćanska demokratska unija u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim kancelarijske revizije finansijskih izvještaja Hrvatska kršćanska demokratska unija obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršen je pregled godišnjeg finansijskog izvještaja Hrvatske kršćanske demokratske unije za 2005.godinu i izdat izvještaj o pregledu sa mišljenjem revizora, nalazima i preporukom revizija da stranka treba postupati u skladu sa odredbama člana 11. stav 3. Zakona o finansiranju političkih stranaka.

5. NALAZI KANCELARIJSKE REVIZIJE I PREPORUKE

5.1. NALAZI

- **Stranka je prekršila odredbe člana 11. stav 3. Zakona o finansiranju političkih stranaka¹**

Na obrascu 5, nisu iskazani podaci koji se odnose na visinu rate i rok vraćanja pozajmice, što nije u skladu sa odredbama člana 23. Pravilnika o godišnjim finansijskim izvještajima političkih stranaka („Službeni glasnik BiH” broj 61/06).²

¹ Do 31.03. naredne godine političke partije podnose finansijski izvještaj u formi koju odobri Centralna Izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna Izborna komisija BiH donosi propise za provođenje odredbi kojima se bliže utvrđuje sadržaj, forma i drugi detalji izvještavanja.

² Stranka je u 2005.godini zaključila više ugovora o pozajmici u visini od 80.000,00 KM sa firmom d.o.o.Lijanovići u kojima nisu navedeni rokovi, kao ni uslovi vraćanja. U 2005.godini stranka je iskoristila sredstva pozajmice u visini od 48.000,00 KM, a u 2006.godini 12.000,00 KM. Stranka u svom dopisu navodi da neraspolaze dokumentacijom o naplati pozajmice za 20.000,00 KM.

Troškovi predizborne kampanje

Hrvatska kršćanska demokratska unija je postupila u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 5.586,20 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Hrvatska kršćanska demokratska unija je mogla potrošiti 374.692,48 KM.

5.2. PREPORUKE

Na osnovu uočenih nedostataka preporučuje se Hrvatskoj kršćanskoj demokratskoj uniji BiH :

- *Da postupa u skladu sa odredbama člana 11. stav 3. Zakona o finansiranju političkih stranaka.*

KOMENTAR:

U ostavljenom roku, Hrvatska kršćanska demokratska unija BiH se nije očitovala na Preliminarni izvještaj o reviziji godišnjih finansijskih izvještaja za 2006. godinu.

Hasida Gušić, šef Službe za reviziju – revizor

Nevenko Andan, revizor

Anela Burdžović Kapić, pomoćnik revizora

³ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.